

ТЕХНИКИЙН ТОДОРХОЙЛОЛТ

Дорноговь аймгийн Говийн бүсийн асрамжийн газрын барилгын ус зайлуулах суваг хийх ажил: /Тус ажил нь 122м урттай 1.2мх1.4м түшиц хана, ус зайлуулах суваг нь 172мх1.2м хэмжээтэй 0.6м гүнтэй, цутгамал бетон хийцтэй болно./

А. Дорноговь аймгийн Говийн бүсийн асрамжийн газрын барилгын ус зайлуулах суваг хийх ажлыг дараах Барилгын норм дүрэм /БНБД/ стандартыг баримтлан технологийн дагуу чанартай гүйцэтгэх.

Б. Ажил гүйцэтгэх хугацааны график /хөдөлмөр зарцуулалт, үргэлжлэх хугацаа, ажиллах хүчний тоо/-ийг тодорхой гаргаж ирүүлнэ. Мөн ажлыг гүйцэтгэх технологийн аргачлал, техникийн тодорхойлолтыг боловсруулж ирүүлнэ.

В. Талбайн зохион байгуулалт зураг, хөдөлмөр хамгаалал аюулгүй ажиллагааг хангах төслийн баримт бичгийг тухайн ажилд нийцүүлэх боловсруулах.

Г. Үнийн саналд зураг төслийн үнийг **4 044 936** төгрөгөөр тусгаж ирүүлэх ба Барилгын төсөв зохиох дүрэм БНБД 81-95-12*(2020)-г мөрдлөг болгоно.

Д. Барилга байгууламжийн ажлын төсвийг тооцохдоо "Барилгын төсөв зохиох дүрэм" БНБД 81-95-12*(2020)-д заасны дагуу тоног төхөөрөмжийн үнийг материалын үнэд оруулахгүйгээр тусд нь тооцож ирүүлнэ.

Е. Барилга угсралтын ажлыг дулааны улиралд гүйцэтгэнэ.

1. Газар шороон, шуудууны ажил:

Барилга байгууламжийн тэг тэнхлэгийг зураг төсөлд заасны дагуу геодезийн тэмдэглэгээ /улаан шугам/-тэй уялдуулан геодези, зураг зүйн тусгай зөвшөөрөлтэй аж ахуйн нэгжээр гүйцэтгүүлж, аймгийн хот байгуулалт кадастрын мэдээллийн санд оруулна.

2. Ус зайлуулах суваг болон хашлага ханын ажил:

Сувгийн хана, шал нь 10см зузаантай, бетоны марк В20 /М250/ байна. Бетоны цутгалтыг ажлыг гүйцэтгэхдээ угсралтын "Цутгамал бетон, төмөр бетон бүтээц"-ийн норм дүрэм баримталбад зохино. Хашлага хана нь 1.2м өндөр, 40см зузаан, 122м урттай цутгамал бетон хийцтэй байна. Цутгалтын ажлыг гүйцэтгэхлээ бетон зуурмагийг үйлдвэрээс авч хэрэглэх ба бетоны ажлыг гүйцэтгэх үед бетоны чанарыг тогтмол шалгаж, бетон шоо дээжийг хийц тус бүрээр авч аймгийн ГХБХБГ-ын дэргэдэх барилгын материалын лабораторийн сорилт шинжилгээнд хамруулж баталгаажуулалт хийх шаардлагатай. Ханын бетон бэхжилтийн 70%-г авсны дараа хэв хашмалыг задлана.

3. Авто замын ус зайлуулах хоолойн ажил:

Авто замын доогуур ус зайлуулах 2ш хоолой /ф2м, 2м урттай төмөр бетон цагираг/ байрлуулна. Ус зайлуулах төмөр бетон хоолой нь MNS ASTM C76 M:2004 стандартын шаардлага хангасан байх. Хоолойн гадаргууд ус тусгаарлах битум түрхлэг 2 үе хийнэ. Ус зайлуулах хоолойн амсрын болон замын далангийн асгаас хөрсийг авто замын стандартын дагуу нягтруулна. Ус зайлуулах хоолойн 2 амсарт зураг төслийн дагуу 30м зузаан, В30 ангийн бетон далавч хана цутгана.

Тендерт шалгарсан гүйцэтгэгч нь:

1. Барилга байгууламжийн угсралтын ажлыг батлагдсан зураг төсөл, ажлын тоо хэмжээний дагуу чанарын өндөр түвшинд, гэрээний хугацаанд багтаан гүйцэтгэнэ.
2. Гэрээнд тусгагдсан бүх ажлыг Монгол улсад мөрдөгдөж буй хууль тогтоомж, БНБД, стандартын дагуу хийж гүйцэтгэнэ.
3. Барилга байгууламжийн угсралтын ажлыг эхлүүлэхдээ иргэдийн аюулгүй байдлыг хангуулах зорилгоор анхааруулах тэмдэг тэмдэглэгээ байршуулах, хашаа барих зэрэг шаардлагатай арга хэмжээг авч гэнэтийн аюул осол гаргахгүй байхаар ажиллана.
4. Импортын материал сонгон худалдан авах тохиолдолд тохирлын гэрчилгээ, сертификат, паспорт, лабораторийн шинэжилгээний дүнг хавсаргана. Үндэсний үйлдвэрийн материал сонгон авбал бүтээгдэхүүний тохирлын гэрчилгээ, лабораторийн шинэжилгээний дүн, үнийн баримтыг хавсаргана.
5. Барилгын талбайд ажлын журнал, батлагдсан зураг төсөл хэрэглэгдэж буй материалын лабораторийн сорилтын дүн, тохирлыг гэрчилгээ, гарал үүслийн бичиг баримтуудыг бэлэн байлгах шаардлагатай.
6. Гүйцэтгэсэн ажил тус бүрд ил, далд ажлын акт бичиж, схем зураг, фото зургаар баталгаажуулсан байна.
7. Барилга байгууламжийн угсралтын ажлыг чанаргүй гүйцэтгэсэн тохиолдолд өөрийн хөрөнгөөр захиалагчийн заасан хугацаанд засварлаж өгнө.
8. Барилгын зураг төсөлд зааснаас зайлшгүй тохиолдолд өөрчлөлт оруулхаар болвол захиалагч болон зураг төслийн байгууллагатай зөвшилцөнө. Зөвшөөрөлгүйгээр газар дээр өөрчлөхийг хориглоно.
9. Хэрвээ талбайн тохижилт, шугам сүлжээний зураг төсөлд өөрчлөлт оруулах, материал хийц өөрчлөх тохиолдолд хүсэлтээ захиалагч байгууллагад бичгээр гаргаж хүсэлт гаргасан өдрөөс 7 хоногийн дотор хариу өгнө. Зөвшөөрөөгүй тохиолдолд зураг төсвийн дагуу гүйцэтгэнэ.
10. Гүйцэтгэгч нь барилгын ажлын ил, далд ажлын актыг баталгаажуулах, үе шатны ажлын гүйцэтгэлийн тэмдэглэл хөтлөх, барилгын улсын хяналт хэрэгжүүлэх эрх бүхий байгууллага, зураг төсөл зохиогч, захиалагчаас тавьсан хууль ёсны шаардлагыг бүрэн биелүүлнэ.
11. Энэхүү техникийн тодорхойлолтод заагдсан шаардлагыг биелүүлээгүй нөхцөлд захиалагчийн төлөөлөгч, мэргэжлийн хяналтын улсын байцаагч эрхийнхээ дагуу барилгын ажлыг тодорхойгүй хугацаагаар зогсоох хүртэл арга хэмжээ авах эрхтэй болно.
12. Монгол улсын "Барилгын тухай" хуулийн 14.3-т /барилга байгууламжийг ашиглалтад зүгшрүүлэх, тохируулах хугацаа нэг жил байна/ 14.4-т /14.3-т заасан хугацаа дуусгавар болсон тохиолдолд гүйцэтгэгч, зураг төсөл зохиогч, захиалагч болон ашиглагч тухайн барилга байгууламжид хамтарсан үзлэг хийж, зөрчлийг арилгах талаар тэмдэглэл үйлдэнэ/ 14.5-т /14.4-т заасны дагуу /14.3-т заасан хугацаа дуусгавар болсноос хойш барилга байгууламжийн гадна хий, дулаан, цахилгаан, харилцаа холбооны тоног төхөөрөмж, тоноглолын

хэвийн ашиглалтын хугацаа 3-аас доошгүй жил байна/ гэж заасныг үндэслэн гүйцэтгэгч байгууллага чанарыг баталгаа гаргаж өгнө.

ТЕХНИКИЙН ТОДОРХОЙЛОЛТ ХЯНАСАН:

САЙНШАНД СУМЫН ЗАСАГ ДАРГЫН
ТАМГЫН ГАЗРЫН ДАРГЫН ҮҮРГИЙН
ТҮР ОРЛОН ГҮҮЦЭТГЭГ



Ш.ЧУЛУУНЦЭЦЭГ

ТЕХНИКИЙН ТОДОРХОЙЛОЛТ БОЛОВСРУУЛСАН:

САЙНШАНД СУМЫН
ЕРӨНХИЙ АРХИТЕКТОР

Б.ЭНХМАНЛАЙ